



## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. I. An circa nostros actus liberos, Deus habeat decretum de se efficax,  
vel purè indifferens, ac expectans determinationem à libero arbitrio?

---

[urn:nbn:de:hbz:466:1-77232](#)

ter eam præsupponere completam & elevatam per aliam formam priorem, scilicet per auxilium sufficiens, eamque solum ad actus perfectos movere, & applicare.

DISPUTATIO V.

*De efficacia voluntatis Dei.*

**C**elebris est haec disputatio, ex illa enim pendet resolutio plurium difficultatum & controversiarum, quæ inter Thomistas & Recentiores his temporibus agitantur. Unde haec materia accurata pertractanda est, & veluti ad pondus Sanctuarij ponderanda: id est ad normam Scripturæ, doctrinæ SS. Patrum, & rationum Theologicarum, diligenter examinanda.

ARTICVLVS I.

*An circa nostros actus liberos, Deus habeat decretum de se efficax, vel purè indifferens, ac expectans determinationem à libero arbitrio?*

§. I.

*Quibusdam premisis, referuntur sententiae, & vera eligitur.*

**N**otandum primò: Effectus qui à Deo procedunt, triplicis esse generis. Quidam enim à solo Deo procedunt, sine illo consortio & cooperatione causæ creatæ, ut creare Angelum, glorificare animam, dare primam vocationem &c. Alij causantur à Deo cum consortio causæ creatæ, sed naturalis & necessariæ, ut illuminatio, calefactio &c. Alij denique ab illo producuntur cum cooperatione causæ creatæ liberæ; ut actus charitatis & contritionis, iustitia vel temperantia. De actibus primi & secundi generis, nulla est difficultas vel controversia inter Theologos: evidens enim est dari in Deo decretum ex se efficax, antecedenter influens, & natura suā causans tales effectus. Unde tota difficultas & disputatio devolvitur ad actus tertij generis, quos Deus efficit cum consortio, & cooperatione causæ liberæ, cuius libertati & indifferentiæ officere ac repugnare videtur efficacia antecedens decreti absoluti & determinati.

Notandum secundo: Duobus modis decretum divinum posse dici indifferens. Primo quia nullum actum determinatè respicit, nullamque decernit actionem in specie, sed indifferenter se habet ad quacumque operationem, & expectat determinationem à voluntate creatæ, quantum ad speciem actus. Secundò decretum potest vari indifferens, quia licet determinet & applicet voluntatem ad aliquem actum in specie & in individuo determinatum, eam tamen determinat per modum liberi, & relinquendo in ea indifferentiæ positivam & actualē, seu potentiam ad actum oppositum. Et in hoc secundo sensu, non negant Thomistæ, Deum circa nostros actus liberos habere decreta indifferenta, sed tantum in primo, de quo solum procedit præsens difficultas & controversia.

Notandum tertio: Aliud esse voluntatem Dei

A esse efficientem, & aliud illam esse efficacem. Nam efficiens præcisè dicitur ab effectu qui de facto sequitur; & ita sufficit ad hoc quod sit efficiens, quod concomitanti concursum, vel etiam ex associatione alterius causa, ipsa voluntate concomitante concurrente, effectus sequatur: ut autem sit de se efficax, requiritur quod ex directione & fine præconcepto, ita moveat ad efficiendum, quod determinatè moveat ad talen effectum in specie, & in individuo, non verò ita indeterminate & indifferenter se habeat, quod ex illa æquè bene possit sequi, vel non sequi effectus. Et in hoc magna contingit æquivocatio, & hallucinatio apud aliquos Recentiores, qui confundunt efficaciam divina voluntatis & gratia, cum ejus sufficientia; & ex hoc quod gratia non influit in actus liberos nostræ voluntatis, nisi cooperante libero arbitrio, inferunt illam non esse efficacem ex se, sed solum ex consensu & cooperatione liberi arbitrij. His præmissis,

B Circa propositam difficultatem duas sunt celebres sententiae, quarum prima negat in Deo decreta ex se efficacia circa nostros actus liberos, & astruit purè indifferenta. Ita Molina in pluribus sua concordia locis, presertim qu. 14. art. 13. disp. 26. §. Nemer, Suarez prolog. 2. de gratia cap. 8. Lessius lib. de gratia efficaci cap. 4. & alii Recentiores communiter, affirmantes Deum offerre voluntati creatæ concursum indifferente & generalem, ad unum actum, & ad oppositum, quatenus est de se ad utrumque paratus; & à voluntate creatæ determinari speciem actus ad quem Deus concurat.

C Addunt quod, ratione hujus decreti generalis & indifferenter, divina omnipotentia ita remanet conjuncta & connexa voluntati creatæ, ut hac operante, illa necessario cooperetur, & veluti simul trahatur ad operandum. Quod ut magis explicant, constituant exemplum in habitibus: nam hoc ipso quod potentia voluntatis producit actum supernaturalem dilectionis, influendo in illum: eo ipso simul influit habitus supernaturalis charitatis. Simili modo (inquit) cogitandum est, divinam potentiam, veluti habitum quendam omnibus rebus intimè insidentem & conexum, simul in omni operatione cooperari, & determinari ad speciem actus ab ipsa voluntate creatæ, quamvis illam determinet quantum ad individuum. Tale autem decretum generale, quidam volunt esse conditionatum, eo quod nihil per illud Deus absolute decernat, sed dependenter à conditione quadam, scilicet si voluntas se determinaverit: quā positā purificatur, & transit in absolutum, fitque absolutè efficax in actu secundo, & producit concursum ad extra. Ex quo inferunt, non opus esse alio decreto, quo Dei concursum absolute præparetur. Sicut, inquit, cum quis donat aliquid sub certa conditione, positrà illa conditione, donatio fit absoluta, & efficax in actu secundo, producque suum effectum vi suā, neque opus est illam sub forma actus absolutè repetere. Alij tamen existimant, decretum illud indifferens, non esse conditionatum, sed absolutum & generale, concurrēt scilicet ad omnem actum ad quem voluntas creatæ voluerit se determinare, illudque non sufficere ut effectus determinatè fiat, sed præter illud requiri aliud absolutum, quod ipsi concomitans vocant, ut hic & nunc Deus currat ad actum quem determinavit, seu elegit voluntas, seu ad quem prævisa est per scienciam.

# DE EFFICACIA VOLVNTATIS DEI. 437

tiam medianam, se determinatura.

Secunda sententia, quæ est communis in Schola Thomistarum, & cui omnes gratiæ efficacis defensores patrocinantur, de cœta illa indifferentia rejicit, ut Deo injuriosa, & rationem prima causa, primique liberi in eo subvertentia; agnoscitque in illo decreta ab intrinseco efficacia, quibus in nostris actibus attingit non solum substantiam, sed etiam modum libertatis, causatque in nobis (ut loquitur Augustinus) Liberrimam, fortissimam, & invictissimam voluntatem. Cui sententia subscribens.

*De cor.  
rept. &  
gratia.  
cap. 8.*

6. Dico primò, circa nostros actus liberos, Deus habet decreta ex se & ab intrinseco efficacia, id est, quæ ex propria virtute & efficacia, causant liberum nostræ voluntatis consensum, non vero ilium ab humana voluntate supponunt, vel exceptant.

Hæc conclusio, quæ est fundamentum eorum quæ docent Thomistæ in Tractatu de auxilijs, circa efficaciam & causalitatem divinae gratiæ, multipliciter soler demonstrari: præcipua tamen argumenta, ad tria, vel quatuor capita revocari possunt, siue potius in tres vel quartuor classes distribui. Aliqua enim sumuntur ex Scriptura, alia ex autoritate SS. Patrum, præcipue D. Augustini & S. Thomæ, qui in hac materia sunt præcipui: alia ex orationibus Ecclesiæ, & promissionibus Dei; alia denique ex inconvenientibus & absurdis quæ sequuntur ex adversa sententia.

## §. II.

*Efficacia divinorum decretorum, varijs Scriptura  
testimonij demonstratur.*

7. **P**lura ex Scriptura sacra deduci possunt argumenta, ad divinorum decretorum efficaciam demonstrandam, & ad excludenda decreta indifferentia, & Molinistica, consensum seu determinationem voluntatis creatae supponentes, vel expectantia. In primis enim Scriptura sepe docet, voluntatem Dei ita esse efficacem & infallibilem, ut ei resisti non possit (saltem in sensu composito, & potentia consequenti) id est, ut cum illa non possit componi & conjungi actualis resistentia, seu dissensus: At hoc non potest verificari, si Deus circa nostros actus liberos non habeat decretum ex se efficax, hoc est ex vi sua infallibiliter inferens & cauans liberum nostræ voluntatis consensum; sed tantum purè indifferens, & expectans determinationem liberi arbitrij, ac conjunctum cum morali tantum motione, & excitatione: Ergo decretum ex se efficax, nec esset admittendum est. Minor videatur manifesta, nam omnis concursus indifferens, omnisque motio moralis, quæ non efficit, sed expectat consensum & determinationem liberi arbitrij, talis est ut ei resisti possit, etiam in sensu composito, & potentia consequenti, & cum ea conjungi actualis resistentia & dissensus, omne enim objectum propositum voluntati, præter Deum clare visum, non sufficit eam determinare, sed ei potest voluntas resistere, etiam in sensu composito, quia potest aliosrum divertere, cum illud non habeat bonitatem ad quantum totam capacitatem voluntatis, ut egregie docet & probat S. Thomas i. p. quest. 105. art. 4. in corp. his verbis. Non potest sufficienter moveare aliquod mobile, nisi virtus activa moventis exceedat vel saltem adequet virtutem passivam mobile: virtus autem passiva voluntatis se extendit ad bonum in universaliter, est enim ejus objectum bo-

**A** num universale: sicut & intellectus objectum est ens universale: quodlibet autem bonum creatum, est quoddam particularē bonum; unde ipse solus implet voluntatem, & sufficienter eam movet ut objectum.

Major autem desumitur ex varijs Scriptura locis, quibus significatur divina voluntati, absolute & consequenti, non posse resisti. Dicitur enim Esther 13. Non est qui possit tuare resistere voluntati, si decreveris salvare Israël. Et iterum ibidem: Dominus omnium tu es, nec est qui resistat Majestati tue. ad Roman. 9. Voluntati ejus quis resistit? Isaïa 14. Dominus exercituum decrevit, & quis poterit infirmare? Et manus ejus extensa, & quis avertet ilam? Et cap. 6. Consilium meum stabit, & omnis voluntas mea fiet. Cui confonat illud Augultini de correptione & gratia cap. 14. Deo volenti salvum facere, nullum humanum resistit arbitrium: sic enim velle & nolle, in volentis aut nolentis est potestate, ut divinam voluntatem non impedit, nec superet potestatem. Et in Enchir. cap. 95. addit: Nisi hoc credamus, periclitatur ipsum nostræ Fidei confessionis initium, quâ nos in Deum Patrem omnipotentem credere profitemur.

Ratio etiam suffragatur. Nam si voluntas creata posset resistere divinæ: vel talis resistentia esset cum influxu Dei, vel sine ejus influxu? Non primum, nam si esset cum influxu Dei, jam esset cum voluntate Dei, qui influxus ille liberè oriatur ex Deo: Ergo à voluntate ejus: Ergo non esset contra voluntatem ejus, nec resistens ei. Neque secundum, si enim talis resistentia esset sine influxu Dei, & ipso non operante, vel cooperante, aliquid reale creatum esset possibile, quod esset independens in esse à Deo, & ab illo non causatum, nec participatum: quod est horribilis impietas, & ingens absurditas.

Secundò, In Scriptura Deus dicitur trahere cor hominis, Cant. 2. Trahe me post te, curremus. Et Joannis 6. Nemo potest venire ad me, nisi Pater qui misit me traxerit cum. Item Scriptura sepe afferit, Deum vertere, convertere, & immutare cor hominum: Regin. 10. Immutavit ei Deus cor aliud. Esther. 14. Transfer cor illius in odium hostis nostri. Proverb. 26. Sicut divisiones aquarum, ita cor Regis in manu Domini, quicumque voluerit verner illud. Denique in sacris paginis, Deus per suam gratiam dicitur aperire cor homini: 2. Machab. 1. Adaperiat Deus cor vestrum in lege sua. Et Actorum 16. dicitur de Lydia purpuraria quod Dominus aperuit ei cor, intendere his quæ dicebantur à Paulo. Sed illa tractio, immutatio, vel apertio cordis, vix potest explicari, si decretum Dei circa nostros actus liberos, non sit ex se & ab intrinseco efficax, nec faciat, sed expectet, vel supponat consensum & determinationem liberi arbitrij creati: Ergo divina de cœta sunt ex se & ab intrinseco efficacia. Major constat, Minor vero probatur, quantum ad singulas partes. In primis enim illud quod ab aliis determinatur, ab illo veluti trahitur, non vero illud trahit: Ergo si divinum decretum sit purè indifferens, & à libero arbitrio determinetur, quantum ad speciem actus, ut docent Adversarij, ab illo trahitur. Quare insentientia Adversariorum, dicendum est, quod Deus non potest convertere hominem, nisi ipse homo pro sua libertate concurrendo, seu determinando Dei concursum, traxerit Deum ad cooperandum secum, & non ē converso: Nemo potest venire ad me, nisi Pater qui misit me traxerit eum. Unde Augustinus libro 1. contra duas Epist.

Tom. I.

iii ij

E

Pelag. cap. 19. *Quis trahitur, si jam volebat? & tamen nemo nisi velit trahitur: Ergo miris modis, ut velit, ab illo trahitur, qui uox intus in ipsis hominum cordibus operari.* Similiter si divinum decretum non efficiat intus in corde hominis consensum, & determinationem liberi arbitrij, sed illam ab humana voluntate supponat, vel expedit, quomodo potest verificari, quod Deus immutet voluntatem & cor hominis, illudque transferat, vertat, convertat, & inclinet quocumque voluerit: faciat que homines ex nolentibus volentes, & ex repugnantibus consentientes, ut loquitur Augustinus Epist. 107. Non enim potest dici (ut infra ostendemus) talen mutationem & conversionem cordis, fieri solum per gratiam moraliter excitantem, cum illa intus in corde hominis non operetur, nec determinet infallibiliter humanam voluntatem ad consensum, sed tantum eam alliciat & invitet, eo ferè modo, quo puer ostensione pomi invitatur ad currendum. Denique cum apertio cordis significet consensum & determinationem liberi arbitrij, si Deus per suum decretum, & per gratiam ab illo derivatam, eam non efficiat, sed ab humana voluntate expedit, non potest dici aperire cor hominis per suam gratiam, sed potius talem apertitionem à libero arbitrio expectare, vel supponere.

9. Tertio ad probandam divinorum decretorum efficaciam, solent adduci Scripturæ testimonia, in quibus Deus dicitur *Facere ut faciamus, & in preceptis ejus ambulemus, ac iudicia ejus custodiamus*, Ezechieli 36. Quæ verba ponderans Augustinus de gratia & lib. arbitr. cap. 16. *Ille (inquit) facit ut faciamus, præbendo vires efficacissimas voluntati nostræ, qui dixit faciam ut in iustificationibus meis ambuleatis.* Item Isaia 26. dicitur *Domine omnia opera nostra operatus es nobis.* Et Apostolus ad Philipp. 2. hortatur fideles, *ut in timore & tremore salutem operentur: Deus est enim qui operatur in nobis velle & perficere pro bona voluntate: id est per gratiam quam ex pura misericordia, & gratuita voluntate concedit, & quam nobis in pœnam precedentium delictorum iustissimè denegare potest.* Hoc autem salutaris timoris fundamentum, in Adversariorum sententia penitus evertitur, cum juxta illam, divinum decretum non operetur in nobis voluntem & consensum, sed illum supponat vel expedit ab humana voluntate, & ab illa determinetur quantum ad speciem actus. Unde Ecclesia Lugdunensis in libro de defensione veritatis Scripturæ: *Etiam si generaliter & indifferenter omnes homines Deus vult salvos fieri, in aliorum tamen cordibus, benignitate misericordie sua, ipse operatur eandem voluntatem suam, ut & ipsi salvari velint, & salventur: qualibus.* & Apostolus dicit: *Cum timore & tremore vestram salutem operamini: Deus est enim qui operatur in nobis velle & perficere pro bona voluntate.* In aliorum autem cordibus, severitate iusti & occulti iudicij sui, non operatur hanc salutarem voluntatem, sed dimittit eos in suo arbitrio, ut quia noluerunt credere, iusta voluntione dammentur.

10. Quæ omnia confirmari possunt ex illa frequenti Scripturæ comparatione, quæ dicit nos & voluntates nostras se habere ad Deum, sicut lumen ad figurum, qui uituit massâ terræ ut vult: non quod tollat à nobis virtutem & libertatem operandi, sed quia dat illam, & motu suo illam versat, sicut figulus massam. Et ita libera voluntas debet efformari, & præveniri à Deo in sua efficacia, sicut lu-

A tum à figulo: Jerem. 18. *Ecce sicut lutum in manu figuli, sic vos in manu mea, dicit Dominus.* Et sicut instrumentum ab artifice: quæ etiam comparatione interdum Scriptura uitur ad explicandam voluntatis creatæ subordinationem, & dependentiam a Deo, in sua efficacia & cooperatione; & ut significetur, quod voluntas nostra incipit a Deo moveri, formari, applicari, & determinari ad bonum, sicut instrumentum ab artifice. Dicitur enim Isaia 10. *Nunquid gloriabitur securis contra eum qui fecerat in ea, aut exaltabitur terra contra eum à qua trahitur?* Quasi dicat Spiritus Sanctus, quod sicut securis & terra non debent gloriari ex eo quod scindant artificiosè, quia non possunt ita scindere, nisi prius moveantur, applicentur, & determinentur ab artifice. Ita similiter homo non debet gloriari ex eo quid rectè operetur, quia voluntas nostra non potest bonum velle & operari, nisi moveatur, determinetur, & applicetur à Deo. *Quoties enim bona agimus, Deus in nobis, atque nobiscum operatur, ut operemur,* inquit Concilium Araucanicum, contra errorem Semipelagianorum definientis. Videndum est D. Thomas 3. contra Gentes cap. 147. ubi inquit: *Sub Deo qui est primum intelligens & volens, ordinantur omnes intellectus & voluntates, sicut instrumenta sub principali agente: oportet igitur quod eorum operationes efficaciam non habeant respectu ultime perfectionis, que est adeptio beatitudinis, nisi per virtutem divinam: indiget igitur rationalis natura divino auxilio ad consequendum ultimum finem.* Et cap. 148. *Auxilium divinum sic intelligitur homini adhiberi ab bene agendum, quod in nobis nostra opera operatur, sicut causa prima operatur operationes causarum secundarum, & agens principale operatur actionem instrumenti: unde dicitur Isaia 26. Omnia opera nostra operatus es in nobis Domine.* Causa autem prima causat operationem causa secunda, secundum modum ipsius: *Ergo & Deus causat in nobis nostra opera secundum modum nostrum, qui est ut voluntariæ, & non coactæ agamus.*

D Denique ad demonstrandam divini decreti efficaciam, insignis est locus Apostoli ad Roman. 8. ubi loquens de viris sanctis & spiritualibus, sic ait: *qui Spiritu Dei aguntur, hi filii Dei sunt.* Quem locum expendens Augustinus de corrept. & gratia cap. 2. *Intelligant (inquit) si Filii Dei sunt. Spiritu Dei se agi, ut quod agendum est agant.* & cum egerint illi à quo aguntur gratias agant: *aguntur enim ut agant, non ut ipsi nihil agant.* Quæ ultima verba maximè ponderanda sunt. In primis enim illud verbum, *aguntur*, significat veram & realem efficientiam, & non solum motionem moralem & metaphoricam, quæ non nisi impropriè & metaphorice potest dici actio, seu efficientia. Secundò, quando dicitur, *quod aguntur ut agant*, per hoc designatur, gratiam Spiritus Sancti non ita movere voluntates hominum, ut illæ se habeant merè pallivè, recipiendo solum motum illum Spiritus Sancti, & illi non cooperando, ut dicebat impius Lutherus: Sed illas moveri à Spiritu Sancto, ad hoc ut seipsas moveant ac determinent, tanquam secundum movens & secundum liberum; ac proinde motionem divinæ gratiæ non impedire, sed potius efficere motum & determinationem liberi arbitrij.

E Dices cum Adversarijs: Spiritum Dei facere ut faciamus, & agere nos ut agamus & velimus, per motionem moralem, & gratiam excitantem, quæ consistit in illuminatione & pia cogitatione intel-

lectus : non autem per motionem physicam & physicè applicantem.

Verum præterquam quod hæc responsio §. sequenti impugnabitur, eam expresse, & in terminis excludit D. Thomas super cap. 8. Epistole ad Roman. lect. 3. ubi ait: *Posset sic intelligi, quicunque Spiritu Dei aguntur, sicut quodam doctore & directore, quod quidem facit Spiritus Sanctus, in quantum nos illuminat interiori quid facere debeamus.* Et paulo post subiungit: *Sed plus intelligentendum est, in hoc quod dicitur, quod Spiritu Dei aguntur. Illa enim agi dicuntur, que quodam superiori instinctu moventur: unde de bruis dicimus, quod non agunt, sed aguntur, quia à natura moventur: & non ex proprio motu ad suas actiones agendas.* Similiter etiam homo spiritualis, non quasi ex moto proprio voluntatis principiatur, sed ex instinctu Spiritus Sancti inclinatur ad aliquid agendum, secundum illud Isaia 50. Cùm veneris quasi fluvius violentus quem Spiritus Dei cogit. Et Luca 4. dicitur quod Christus agebat à Spiritu in deserto. Non tamen (subiungit Sanctus Doctor) per hoc excluditur quin viri spirituales per voluntatem & liberum arbitrium operentur, quia ipsum motum voluntatis & liberis arbitriis Spiritus Sanctus in eis causat: secundum illud illius ad Philipp. 2. Deus est qui operatur in nobis velle & perficere. Non poterat Sanctus Doctor felicius & clarioribus verbis explicare nostram sententiam, ac simul præcipuum Adversariorum fundamentum evertere.

### §. III.

*Ex principijs doctrina Augustiniana eadem veritas manifestatur.*

**I**nnumera adduci solent Augustini testimonia ad divinorum decretorum efficaciam suadendam: hæc breviora tantum & faciliora colligemus.

In primis ergo Aquilinus doctor, & invictissimus divinæ gratiæ propagator, variis in locis suprà à nobis relatis, docet hominem non posse divina voluntati resistere; & hoc ita certum reputat, ut nisi hoc credamus, periclitari primum nostra fidei confessionis initium, affeveret: Sed decreto purè indifferente, & motione moraliter tantum excitante, voluntas potest resistere, etiam in sensu compagno, & potentia consequenti: id est cum illa conjungere resistentiam & dissensum, ut fatentur Adversarij: Ergo tale decretum indifferrens, doctrinæ Augustini repugnat.

**14.** Secundo, Idem S. Doctor variis in locis Tractatu præcedenti relatis, docet Deum in sua prædestinatione seu decreto, futura facta præcire: Sed divinum decretum non potest esse medium ducens in certam & infallibilem nostrorum actuū liberorum cognitionem, nisi sit ex se & ab intrinseco efficax, ut ibidem ostendimus, & fatentur Adversarij, qui idcirco tale medium non assignat, sed recurrunt ad veritatem obiectivam, vel ad supercomprehensionem causarum secundarum, ut constat ex dictis ibidem: Ergo Augustinus agnoscit in Deo decreta ex se & ab intrinseco efficacia.

**15.** Tertiò, Idem Augustinus de gratia & libero arbitrio cap. 5. de corrept. & gratia cap. 10. 12. 14. 15. de Prædest. SS. cap. 6. & alibi passim, recognoscit gratiam efficacem ab intrinseco, quâ Deus corda hominum certissime, indeclinabiliter, insuperabiliter, invictissime, immutabiliter, & infallibiliter, trahit, & convertit, quando, ubi, & quomodo voluerit: cuius verba brevitatis causâ

A prætermitto: sufficientia ista quæ habentur in libro de Prædest. SS. cap. 8. *Hæc itaque gratia, quæ occultè huianis cordibus, divinâ largitione tribuitur, à nullo duro corde respuitur: id est quippe tribuitur, ut cordis duritia primiū auferatur.* Quæ verba soli gratiæ ex se efficaci possunt cum proprietate applicari: At siemel admisstæ gratiæ ab intrinseco efficaci, necessario debet concedi decreta ab intrinseco efficax, ut fatentur Adversarij, & de se manifestum appareat: Ergo talia decreta ab intrinseco efficacia, sunt de mente Sancti Patris nostri Augustini.

B Quartò, Augustinus pluribus in locis certitudinem & infallibilitatem consensus nostræ voluntatis à Deo prævisi, reducit in divinam omnipotentiam, & in supremum dominium quod Deus habet in nostras voluntates; ut constat ex cap. 14. libri de corrept. & gratia, ubi ait, quod Deus de 16. ipsis hominum voluntatibus quod vult facit. Quod sine dubio habet humanorum cordium quocumque voluerit inclinandorum omnipotentissimam potestatem. Quod magis habet in potestate voluntates hominum, quam ipsi suas. Item cap. 20. libri de gratia & libero arbitrio dicit, *Deum dominari voluntatibus hominum.* At negantes decreta ab intrinseco efficacia, non reducunt infallibilitatem consensus voluntatis nostræ in divinam omnipotentiam, & in supremum & absolutum dominium in nostras voluntates, sed in ejus præscientiam explorantem circumstantias temporis & loci, in quibus voluntas creata, sub auxilio Dei indifferente, & moraliter tantum excitante, seipsum determinatura est ad consensum: Ergo illi longissimè ab Augustino distant.

C Quinto, Idem S. Doctor libro 1. ad Simpliciam quæst. 2. dicit quod *Effectus misericordie Dei non potest esse in hominis potestate, ut frustra Hile misereatur, si homo nolit: si enim Deus miseretur, ergo jam volumus, ad eandem quippe misericordiam perire ut velimus: Deus enim est qui operatur in nobis velle & perficere.* Ergo ex Augustino efficacia divini decreti, & gratiæ ex illo profluentis, non subjicitur libero arbitrio, nec expectat, aut supponit, sed potius efficit & causat ejus determinationem & consensum.

D Denique, Idem Augustinus in infinitis propositum locis, docet Deum per suam gratiam facere homines ex nolentibus volentes, ex repugnantibus consentientes, ut constat ex Epistola 107. ad Vitalem. Illam intus in ipsis hominum cordibus operari, non ut homines, quod fieri non potest, nolentes credant, sed ut volentes ex nolentibus fiant: ita enim loquitur libro 1. contra duas Epist. Pelag. cap. 19. Denique in libro de gratia & libero arbit. cap. 21. sic ait: *Agit omnipotens Deus in corde hominum, etiam motum voluntatis eorum, ut per eos agat quod per eos agere ipse voluerit, qui omnino injuste aliquid velle non novit.* Et post multa Scripturæ testimonia, quæ ad hoc probandum adducit, tandem sic concludit: *His & talibus testimoniis divinorum eloquiorum, quæ omnia commemorare nimis longum est, satis, quantum existimo, manifestatur operari Deum in cordibus hominum, ad inclinandas eorum voluntates quocumque voluerit; sive ad bona, pro sua misericordia; sive ad mala, pro meritis eorum (intellige quantum ad materiale & ad entitatem malitiae substratum) iudicio unique suo, aliquando aperro, aliquando occulto, semper tamen justo.* Ergo ex Augustino, quidquid intimum est in nostra voluntate, & ex ejus sinu visceribusque nascitur, totum

Hoc à Deo causatur, nec ab illo supponitur, vel expectatur. Unde Epist. 107. ad Vitalem dicit, quod bonam voluntatem cuiusque non invenit in corde, sed facit.

**19.** Dices, Augustinum his locis solum velle, operari Deum motum hunc, & inclinationem, seu determinationem voluntatis nostrae, mediante motione morali de se indifferenti, & objecti excitatione, seu propositione.

Sed contra primo: Augustinus dicit *Deum in tuis in corde hominis operari*, id est in voluntate: Sed propositio objecti, seu motio moralis, intus in voluntate non sit, sed ab intellectu, qui est extra voluntatem: Ergo Augustinus non loquitur de motione morali.

Secundò, Idem S. Doctor de gratia & libero arbitrio cap. 16. dicit quod Deus facit ut faciamus, præbendo vires efficacissimas voluntati. Sed motio moralis non præbet vires efficacissimas voluntati, cum eam tantum extrinsecè, & objectivè alliciat & inuitet: Ergo de ea Augustinus non agit.

**20.** Confirmatur: Idem S. Doctor loco supra relatō de corrept. & gratia, docet mutationem cordis in homine, fieri in vi potestatis infinita Dei, qui sine dubio (inquit) habet inclinandorum cordium omnipotentissimam potestatem. Atqui sola excitatione moralis, cum innatūrū propositioni objecti finiti, omnipotentissimam potestatem non habet, sed est finita virtus & allicientia, ut constat: Ergo idem quod prius.

**21.** Confirmatur amplius: Idem Augustinus libro 2. contra duas Epist. Pelag. cap. 20. loquens de mutatione Regis Astueri, dicit quod Deus cor Regis occultissimā & efficacissimā potestate convertit, & transfigurab. indignatione ad lenitatem &c. Quæ verba ita emphatica, procul dubio, motionem plusquam moralem designant.

Addo etiam quod Pelagius hanc moralem motionem, mediā illustratione & propositione objecti, non negavit, saltem in tertio statu sua heresis; ut constat ex verbis ipsius Pelagii, quæ supra retulimus ex Augustino libro de gratia Christi cap. 7. & 10. quibus docet Pelagius, quod Deus operatur in nobis velle quod bonum & sanctum est, quatenus nos multiformi, & ineffabili dono gratia cœlestis illuminat: quatenus stuporem suscitat voluntatem, & suadet omne quod bonum est &c. Et tamen talem illuminationem, suasionem, & excitationem moralem non sufficiere, docet Augustinus ibidem: Ergo locis citatis non loquitur solum de motione morali.

#### §. IV.

*Mens Divi Thome aperitur.*

**D**ari in Deo circa nostros actus liberos, decreta ex se, & ex natura sua efficacia, mens est ac sententia D. Thomæ certa & indubitate, ut ex pluribus ejus doctrinæ principiis facile colligi potest.

**22.** In primis enim S. Doctor hic quæst. 19. art. 5. docet quod voluntatis seu volitionis divina nulla est assignabilis causa: At si in eo sint decreta indifferentia, & arbitrij humani determinationem expectantia, erit assignabilis aliqua causa volitionis divina, nimurum consensus, seu determinatio liberi arbitrij creati, quæ erit causa cur Deus determinat velit conversionem Petri v. g. & cur determinat in actus liberos nostræ voluntatis influat: Ergo iuxta D. Thomam, non dantur in Deo decreta indifferentia, determinationem voluntatis

A tis creatæ expectantia.

Secundò, D. Thomas pluribus in locis, contin-

23.

gentiam & libertatem in operando voluntatis creatæ, non reducit in ipsam causam proximam tantum, sed in ipsam causam primam, tanquam in primam radicem, unde oritur in nostris actibus modus libertatis & contingentia. Nam 1. Pe-

rhiem, lect. 14. dicit quod *Voluntas divina est intelligenda ut extra ordinem entium existens, veluti causa quadam profundens totum ens*, & omnes ejus differentias: sunt autem differentiae enis possibile & necessarium. & idèo ex ipsa voluntate divina originantur necessitas & contingentia in rebus. Et 1. parte quæst. 22. art. 4. ait quod mo-

dus contingentia & necessitatis cadit sub provisio-

ne Dei, qui est universalis provisior totius ensis: non autem sub provisione aliquorum particularium provisorum. Idem docet 6. Metaph. lect. 3. in fine, his verbis: *Ad divinam providentiam pertinet non solum quod faciat hoc ens, sed etiam quod det contingentiam vel necessitatem; unde causalitat cuiuslibet alterius causa subditur solum quod effectus ejus sit; quod vero sit necessarium, vel contingentia, dependet ex causa altiori, quæ est causa ens in quantum est ens, à qua ordo necessitatis & contingentia in rebus provenit*.

Cum hoc autem principio, quod frequenter repetit & inculcat S. Doctor, tanquam præcipuum, ac firmissimum sua doctrina fundamentum, decreta indifferencia & Molinistica, consensum & deter-

minationem voluntatis creatae supponunt, vel expectantia, non posse cohædere, manifestum est.

Si enim causa prima habet in se vim causandi libertatem & contingentiam nostrorum actuum, multo magis quam ipsa causa proxima creata; evidens est quod non debet illam supponere vel

expectare à voluntate creata, & à consensu futuro, sed illam prævenire, & efficerre; cum nulla causa supponat vel expectet suum effectum, sed illum cauet & præveniat, saltem prioritate naturæ, ut docet Philosophi, qui idcirco definunt causam, *id ad quod sequitur effectus*.

D Addo quod, si ex divino decreto, ut à primo principio & prima radice, ordo contingentia & necessitatis in rebus creatis oriatur, & emanet, illud ex se & in se habet vim & principium compo-

nendi & servandi libertatem & contingentiam in nostris actibus; quia habet principium & vim eam causandi, ac proinde non potest eam tolle-

re, quamvis prioritate causalitatis & naturæ, consensum & determinationem nostræ voluntatis antecedat: & sic evertitur ac corruiat præci-

puum & ferè unicum Adversariorum fundamen-

tum.

Confirmatur: S. Thomas 1. ad Annibal. dist. 47. quæst. unicà art. 4. dicit quod *Voluntate Dei non solum res in esse producuntur, sed etiam rebus producendis modum quo producantur* PRÆ-

DETERMINAVIT. Quibus verbis decretum indifferens, & expectans determinationem consensū nostri penitus jugulavit. Si enim Deus re-

bus producendis modum quo producuntur præ-

determinavit, etiam prædefinivit, & prædetermi-

navit modum libertatis & contingentia, cum quo nostri actus liberi producuntur, ac proinde illum non supponit, vel expectat à libero arbitrio, ut

docent Molinisti, sed potius illum efficit & cau-

sat, ut afferunt Thomisti.

Secundum principium doctrinæ D. Thomæ, ex quo etiam sequitur manifesta destrucción decretorum indifferantium, est affine præcedenti, &

continetur

## DE EFFICACIA VOLVNTATIS DEI. 441

continetur in infinitis propemodum locis, in quibus S. Doctor, ut conciliat & componat libertatem, & contingentiam nostrorum actuum, cum divinis decretis, & efficacia gratiae, recurrit ad efficaciam divinæ voluntatis, decernentis non solum substantiam, sed etiam modum libertatis nostræ in actibus voluntatis creatæ: At negantes decretæ ab intrinseco efficacia, & purè indifferenter admittentes, non confugiunt ad efficaciam volitionis divinæ, sed ad Scientiam medianam, explorantem consensum voluntatis humanae, ut libertatem nostram cum divinis decretis, & efficacia gratiae compontant: Ergo longè à S. Thoma distant. Minor patet, Maior vero probatur ex S. Doctore Opusculo 2. cap. 140. ubi sic habet: *Ad efficaciam divina voluntatis perirent, ut non solum fiat quod Deus vult, sed ut hoc modo fiat quo illud fieri vult: vult autem quedam fieri necessario, & quadam contingenter, quia utrumque requiritur ad completum esse universi: ut igitur res utroque modo provenirent, quibusdam adaptat necessarias causas, quibusdam contingentes.* Idem sub iisdem ferè terminis docet hic art. 8. in corp. ubi inquit: quod cum voluntas divina sit efficacissima, non solum sequitur quod sicut ea que Deus vult fieri, sed quod eo modo sicut quo Deus vult fieri: vult autem Deus quadam fieri necessario, & quadam contingenter, ut sit ordo in rebus ad complementum universi, & idem quibusdam effectibus aptavit causas necessariae que deficere non possunt, ex quibus effectus de necessitate proveniunt: quibusdam autem aptavit causas contingentes defecitibiles, ex quibus effectus contingenter eveniant. Non igitur propterea effectus voliti à Deo eveniunt contingenter, quia causa proxima sunt contingentes, sed propterea quia Deus voluit eos contingenter evenire, contingentes causas ad eos preparavit. Idem docet quæst. 22. art. 4. quæst. 12. art. 6. quæst. 83. art. 1. ad 3. 1. 2. quæst. 10. art. 4. ad 1. tertio contra Gentes cap. 94. de verit. art. 3. ad 3. & 1. ad Annibal. dist. 47. quæst. 1. art. 4. ad 4.

**25.** Respondent Adversarij: D. Thomam locis citatis, libertatem & contingentiam rerum in efficaciam divinæ voluntatis reducere, non ex eo quod Deus prædefiniat, & causet substantiam, & modum contingentia, & libertatis in nostris operationibus, ut docent Thomistæ; sed solum ex eo quod aptavit, seu preparavit (id est præduxit & creavit) causas liberas & contingentes, ex quibus effectus liberi & contingentes procedunt.

**26.** Sed contra primò: S. Doctor clarè seipsum explicat locis citatis, præsertim in 1. ad Annibal. dist. 47. dicens: *Voluntate Dei non solum res in esse producuntur, sed etiam rebus producendis modum quo producuntur PRÆDETERMINAVIT:* Ergo ex D. Thoma libertas & contingentia rerum reducitur in efficaciam divinæ voluntatis, non solum ex eo quod Deus produxit & creavit causas liberas & contingentes, sed etiam ex eo quod modum libertatis & contingentia in nostris actibus prædefinivit & prædeterminavit. Quare idem S. Doctor qu. 21. de verit. art. 5. *Voluntas divina est agens fortissimum, unde oportet ejus effectum ei omnibus modis assimilari, ut non solum fiat id quod Deus vult fieri, quod est quasi assimilari secundum speciem, sed ut fiat eo modo quo Deus vult illud fieri: id est necessario vel contingenter, cito vel tardè &c.* Et statim subjugit. Et sic non dicimus quod aliqui divinorum

A effectuum sint contingentes, solum propter contingentiam causarum secundarum, sed magis propter dispositionem divina voluntatis, qua talem ordinem rebus providerat.

**27.** Secundo, Ex hac solutione sequitur, quod Deus non attingat, nec causet immediate libertatem & contingentiam in nostris actibus liberis, sed mediate tantum & remote, quatenus scilicet produxit & creavit causas liberas & contingentes, ex quibus effectus liberi & contingentes procedunt. Hoc autem esse falsum & erroneum, docet S. Thomas 3. contra Gentes cap. 89. ubi impugnans sententiam eorum qui dicebāt Deum cauſare in nobis virtutem volendi, non autem facere nos velle, quia hoc putabant lēdere libertatem, sic ait: *Quibus quidem autoritatibus sacre Scriptura restitut evidenter: Dicitur enim Isaiae 26. Omnia opera nostra operatus es in nobis Domine: unde non solum virtutem volendi à Deo habemus, sed etiam operationem. Præterea hoc ipsum quod Salomon dicit: Quocunque voluerit, vertet illud: ostendit divinam causitatem, non solum ad potentiam voluntatis extendi, sed etiam ad actum ipsius.* Item Deus non solum dat rebus virtutem, sed etiam nulla res potest propriæ virtute agere, nisi agat in virtute ipsius, ut supra ostensum est: *Ergo homo non potest virtute voluntatis sibi datâ ui, nisi iniquum agit in virtute Dei: Illud autem in eius virtute agens agit, est causa non solum virtutis, sed etiam actus, quod in artifice appetit, in cuius virtute agit instrumentum, etiam quod ab hoc artifice propriæ formam non accipit, sed solum ab ipso applicatur ad actum: Deus ergo est causa in nobis non solum voluntatis, sed etiam volendi.* Quibus verbis Sanctus Thomas aperte docet, Deum non solum cauſare nostros actus liberos, nec proinde libertatem & contingentiam quæ in illis reperitur, quatenus dedit nobis virtutem volendi, sed quatenus facit nos velle: applicando voluntatem nostram ad actum, sicut instrumentum applicatur ab artifice.

**28.** Denique, Verbum *aptare & preparare causas contingentes*, in sensu D. Thomæ, non significat solum eas creare aut producere, ut dicunt Adversarij, sed eas determinare & applicare, ut colligitur non solum ex locis supra relatis, verum etiam ex alio perillustri ejusdem S. Doctoris testimonio. Explicans enim hæc verba Pauli ad Hebr. 13. *Deus autem pacis aptet vos in omni bono, ut faciat eis voluntatem, faciens in vobis quod placeat coram se per Iesum Christum &c.* sic habet: *Voluntas humana, cum sit quadam inclinatio rationis, est principium actuum humanorum, sicut gravitas est principium motus gravium deorum: unde se habet ad actus rationis, sicut inclinatio naturalis ad actus naturales. Res autem naturalis dicitur apta ad illud ad quod habet inclinationem.* Sic etiam homo quando habet voluntatem beneficiandi, dicitur aptus esse ad illum. Deus autem quando immittit homini bonam voluntatem, aptat eum: id est facit illum aptum. & idem dicit Apostolus: *Aptet vos in omni bono, ut faciat eis voluntatem: id est faciat vos velle omne bonum, hoc est enim voluntas Dei, scilicet velle quod Deus vult nos velle.* Et paucis interjectionis. Dupliciter autem homo adaptatur ad bene faciendum: uno modo exteriori operando, & sic unus homo aptat alium, persuadendo, vel comminando: *Alio vero modo aliquid interiori exhibendo;* & sic solus Deus aptat voluntatem qui

KK

Tom. I.

*Solus potest ipsam immutare: Proverb. 21. Cor. Regis in manu Domini, quocumque voluerit inclinabit illud. Vnde dicitur, Faciens in vobis: ad Philip. 2. Deus est qui operatur in nobis velle & perficere. Quibus verbis S. Thomas in primis aperte destruit solutionem & explicationem Adversariorum, ad verbum aptare causas contingentes & necessarias, & exponit genuinum sensum illius, docendo quod significat idem quod determinare, seu applicare. Secundo clare explicat ea omnia qua possunt pertinere ad efficaciam divinorum decretorum, & auxiliorum; & docet quod Deus operatur bonam voluntatem in nobis, non solum suasionibus & comminationibus, qua pertinent ad gratiam moraliter excitantem, sed operando aliiquid intrinsecum in voluntate creatuæ, quod facit quod illa infallibiliter velit & operetur id quod vult eam velle & operari. Quod etiam disertè declarat 1. parte quæst. 105. art. 4. ubi ait: *Voluntas moverit ab objecto quod est bonum, & ab eo qui creat virtutem volendi.* Et postquam ostendit, quod potest moveri sicut ab objecto à quocumque bono, sed non sufficiente & plenè, nisi à summo bono, subdit de alio modo movendi ex parte virtutis, & non ex objecto: *Virtus volendi à solo Deo causatur: velle autem nihil aliud est quam inclinatio in objectum voluntatis, quod est bonum universale.* Inclinare autem in bonum universale, est proprium primi moventis, cui proportionatur ultimus finis. Vnde utroque modo proprium est Dei movere voluntatem, sed maximè secundo modo, eam interiùm inclinando. Ergo secundum D. Thomam, modus quo Deus operatur & facit inclinare voluntatem ad actionem voluntariam & liberam, non solum est per modum objecti attrahentis & allicantis, qua est motio moralis, sed etiam per modum principij interiorius operantis & applicantis voluntatem, qua est motio physica & effectiva, quam docent Thomistæ.*

29. Præter hæc S. Doctoris testimonia, plura sunt alia, ex quibus aperte deducitur efficacia intrinseca divinorum decretorum. Nam quæst. 6. de malo art. unico ad 3. hæc scribit: *Deus mover voluntatem immutabiliter, propter efficaciam voluntatis moventis qua deficere non potest; sed properter naturam voluntatis motæ, qua indifferenter se habet ad diversa, non inducitur necessitas, sed manet libertas.* Et 1. 2. quæst. 112. art. 3. in corp. sic ait: *Preparatio ad gratiam, secundum quod est à Deo movente, habet necessitatem ad id ad quod ordinatur à Deo, non quidem coactionis, sed infallibiliter, quia intentio Dei deficere non potest.* Vnde si ex intentione Dei moventis est, quod homo cuius cor movet, gratiam consequatur, infallibiliter eam consequitur. secundum illud Joannis 6. Omnis qui auditiv à Patre & didicit, venit ad me. Et quæst. 10. art. 4. ad 3. Dicendum est, inquit, quod si Deus mover voluntatem ad aliquid, impossibile est ponere quod voluntas ad illud non moveatur, non tamen est impossibile simpliciter: unde non sequitur quod voluntas à Deo ex necessitate moveatur. Et 2. 2. quæst. 24. art. 11. in corp. *Virus Spiritus Sancti infallibiliter operatur quocunque voluerit: unde impossibile est hoc duo simul esse vera, quod Spiritus Sanctus velit aliquem mouere ad actum charitatis, & quod ipse charitatem amittat peccando.* Denique quodlibet 12. art. 3. assertit quod *Predestinatio habet certitudinem ex parte voluntatis divine cui non potest*

A aliquid resistere. Quæ omnia, ut patet, verificari non possunt de decreto indifferenti, vel de gratia moraliter tantum excitante; cùm tale decretum, & talis gratia, non moveant voluntatem creatam immutabiliter, nec inducanti necessitatem infallibilitatis ad operandum, nec sint talis natura quod voluntas creata non possit eis resistere, in sensu composito, conjungendo scilicet cum illa actuali resistentiam & disensem, ut fatentur Adversarij: Manifestum est igitur, iuxta principia doctrinæ D. Thomæ, decreta Dei circa nostros actus liberos, esse de se & ab intrinseco efficacia.

B

## ARTICVLVS II.

Rationibus Theologicis, efficacia divinorum  
Decretorum demonstratur.

V Aritis rationibus demonstrant nostri Thomistæ, tum hic, tum in Tractatu de auxiliis, divinorum decretorum efficaciam & causalitatem circa actus liberos nostra voluntatis: nos hic præcipias & clariores expendemus, & articulo sequenti, varia qua ex decretis indifferentibus sequuntur absurdia & inconvenientia declarabimus.

## §. I.

Efficacia divinorum decretorum ex orationibus Ecclesiæ, & promissionibus Dei,  
demonstratur.

H EC duo argumenta magni sunt ponderis & momenti, & ab Augustino ac Prospero contra Pelagianos & Semipelagianos sèpè proposita.

Primum quod sumitur ex orationibus Ecclesiæ, & quod semper apud Augustinum invictum fuit, potest sic breviter proponi. Id quod postulamus à Deo, ex ejus gratia, beneficioque procedit, non vero ab homine expectatur, vel supponitur: Sed oramus Deum pro nostra voluntatis consensi, determinatione, & mutatione: Ergo talis consensus & determinatio, a decreto divino, & gratia ex illo profluente causatur, non vero ab illo supponitur, aut expectatur. Major est certa: nemo enim petet ab alio, nisi quod ab illo dandum est, vel efficiendum: unde Augustinus sepe dicit, quod *oratio est clarissima gratie testificatio.* Minor autem constat ex variis orationibus Ecclesiæ, quibus orat Deum, ut nos convertat, cor nostrum immutet, rebelles ad se compellat propitiis voluntates; & faciat nos ex nolentibus volentes, & ex repugnantibus consentientes, ut loquitur S. Augustinus lib. 4. ad Bonifacium cap. 9. Denique in Litanii de venerabili Sacramento Eucharistiae, oramus Deum ut ad frequentem, dignamque eorum mysteriorum participationem nos commovere dignetur. Quas orationes, non ad hoc fundit Ecclesia, ut solum Deus nos excite propositione objecti & doctrinæ, offeratque ex parte sua concursum indifferentem, quem nos consensu nostro determinemus. Nam Deus offert nobis suum concursum, & excitationem sufficientem, & saepe valde vivacem; & tamen adhuc oramus, ut rebelles nostra voluntates ad se compellat; & faciat nos ex nolentibus volentes, & ex repugnantibus consentientes. Ergo sentit Ecclesia, quod post oblatum concursum indifferentem, in quo nondum relucet determinatio ad